

Ա. Սրայյան

ՊԼՈՒՋ ԵՎ ԾՈՐԾՈՐԵՑԻ ՀՈՎՀԱՆՆԵՍ ԵՐՁՆԿԱՑԻՆԵՐ*

13-րդ դարի նշանավոր տաղերգու, քերականագետ, տիեզերագետ և քարոզիչ Հովհաննես Երզնկացին իր ուրույն տեղն ունի միջնադարյան հայ գրականության ու կուլտուրայի պատմության մեջ: Նրա աշխատություններին այլ և այլ առիթով անդրադարձել են շատ հայագետներ, սակայն, մի խոշոր թյուրիմացության պատճառով, նրա կյանքն ու գործունեությունը մինչև այժմ ճիշտ չի լուսարանվել:

Հայ մատենագրության մեջ հանդիպում ենք երկու դեմքի, նույն անուններով՝ Հովհաննես Երզնկացի, Պլուզ մականունով և մի երկրորդ Հովհաննես Երզնկացի, Ծործորեցի մականունով: Երկուսն էլ ապրել են գրեթե նույն ժամանակաշրջանում՝ 13—14-րդ դարերում. Պլուզը մի քիչ ավելի վաղ՝ մինչև 13-րդ դարի վերջը, իսկ Ծործորեցին՝ մինչև 14-րդ դարի առաջին քառորդը, Արգյո ք նույն դեմքը, նույն անձնավորությունն են նրանք:

Հայագիտության մեջ մինչև վերջերս ընդունված է եղել մի կարծիք՝ այն է՝ մի Հովհաննես Երզնկացու գոյություն՝ Պլուզ և Ծործորեցի մականուններով:

Այս հարցին վերջերս անդրադարձել է նաև պատմաբան Լ. Խաչիկյանը, որը հակառակ ընդունված տեսակետի, որոշակիորեն տարբերակում է նրանց, մեկին որակելով որպես բանաստեղծ, քարոզիչ ու գիտնական, մյուսին՝ որպես գրիչ և մատենագիր¹:

Խաչիկյանից չորս տարի հետո լույս ընծայած իր մի ուսումնասիրության մեջ, լեզվաբան Գ. Զահուկյանը պահպանում է ընդունված տրադիցիոն տեսակետը, այսինքն նույնացնում է երկու Երզնկացիներին²:

Հովհաննես Երզնկացու մասին եղած այս ուսումնասիրությունների մեջ ամենից ուշագրավը Խաչիկյանի վերոհիշյալ գիտողությունն է, որի մասին հիմնավոր եզրակացություններ անելու համար հարուստ նյութ են տալիս հենց իրենց, հեղինակների՝ Հովհաննես Երզնկացի-Պլուզի և Հովհաննես Երզնկացի-Ծործորեցու անուններով մեզ հասած ստեղծագործությունները: Սրանց պատմա-բանասիրական և գաղափարական ուսումնասիրությունն ի հայտ է բա-

* Հատված «Հովհաննես Երզնկացի» ուսումնասիրությունից:

¹ Լ. Խաչիկյան ԺԳ դարի հայերեն ձեռագրերի հիշատակարաններ (հետազոտում՝ հիշատակարաններ) Երևան, 1950, 649 էջ (ժանոթագրություն): Այստեղ ևս կա որոշ անճշտություն. բանաստեղծ Հովհաննես Երզնկացուն Լ. Խաչիկյանը թաղված է համարում Հաղբատի վանքում, մինչդեռ, ինչպես ցույց են տալիս մի շարք հավաստի աղբյուրներ (ձեռ. № 3119—1676 թ.), էջ 201ր, Գ. Սրվանձտյան—Թորոս աղբար, հատ. Բ. էջ 50 և այլն), նրա գերեզմանը գտնվում է Երզնկայի ս. Նշան եկեղեցում:

² Գ. Զահուկյան, Քերականական և ուղղագրական աշխատությունները Հին և Միջնադարյան Հայաստանում (5—15-րդ դդ.), Երևան, 1954, էջ 259:

րում երկու, միանգամայն իրարից տարրեր, անձնավորություններ, որոշակիորեն տարրեր, նույնիսկ իրարամերժ գաղափարներով ու աշխարհայացքով: Այդ հատկապես արտահայտվում է իրենց ժամանակի համար ամենարնորոշ և քաղաքական բնույթ կրող իրադարձություններում՝ նրանց ունեցած տարրեր գիրքորոշումով:

13-րդ դարի վերջին և 14-րդի սկզբներին Հայաստանում լայն ծավալ ու սուր բնույթ էր ստացել դավանարանական այն պայքարը, որ գոյություն ուներ հայ և կաթոլիկ եկեղեցիների միջև՝ կապված միարարական (ունիթոոական) շարժման հետ: Միարարություն հրահրողը հռոմեական կաթոլիկ եկեղեցին էր, որ նպատակ ուներ հայ եկեղեցու անկախությունը վերացնելով, իրեն ենթարկել ոչ միայն նրան, այլև հայկական պետականությունը, ի վերջո՝ հայ ժողովրդին: Միարարություն տարածողների դեմ (որոնք գործունեություն էին ծավալել արդեն 13-րդ դարի 2-րդ հիսնամյակին), թե՛ խոսքով և թե՛ գործով ակտիվորեն պայքարել է նաև Հովհաննես Երզնկացի Պլուզը: 1281—1284 թթ. նա եղել է իր ժամանակի գրեթե բոլոր հոգևոր կենտրոններում, կաթողիկոսարանում, արքունիքում, վանքերում և անապատներում, գիտական-աստվածաբանական, դավանարանական ճառեր կարդացել թե՛ հոգևորականության և թե՛ աշխարհականների համար: Հակոբ Կլայեցի կաթողիկոսի հատուկ հանձնարարությամբ, որպես պատվիրակ (1281 թ.) մեկնել է Թեոդուպոլիս (Կարին), իր հետ տանելով հայկական եկեղեցու կանոնական հրամանները, այնտեղ գոյություն ունեցող եկեղեցական-կրոնական անհամաձայնությունները կարգավորելու նպատակով¹:

Սակայն Հովհաննես Երզնկացի Պլուզը եղել է ոչ միայն հայ եկեղեցու կանոնների սոսկ քարոզիչ, այլև շատ կանոնների ու խրատների հեղինակ²:

Երանցից շատերի մեջ Պլուզ Երզնկացին ուղղակի դավանարանական հարցեր է քննարկում, մեղադրելով միարարներին ու քաղկեդոնականներին և մերժելով նրանց առաջարկած դավանարանական, ծիսական գիշումները՝ հոռմեական եկեղեցուն: Այսպես, օրինակ, դավանարանական հիմնական հարցերից մեկի՝ ծննդյան և մկրտության տոնի կատարման օրվա կապակցությամբ, որի շուրջը, ինչպես հայտնի է, դարեր շարունակ անհաշտ վեճեր են տեղի ունեցել լատին և հայ եկեղեցիների միջև, մեր հեղինակը գրում է:

Ծննդյան ու մկրտության տոները «...լետոյ ոմանք բաժանեցին ըստ այլ և այլ կարծեաց, ոմանք պատճառանօք և այլք հերձուածողական անրարշտութեամբ և ոմանք տգիտական անուսումնութեամբ... Եւ արդ, որք բաժանեն զաստուածային տօնսն ի միմեանց, որպէս թէ զծնունդն մարդկային և զմկրտութիւն աստուածային համարելով, վասնզի կարծեն յառաջադիմութեամբ և շնորհօք զալ նմա յորդիութիւն և յաստուածութիւն, զոր օտար և սուտ ընթանրական եկեղեցոյ պարտ է համարել զնոսա: Բսկ այլ ոմանք տգիտարար անշատեցին ի միմեանց, ...իսկ մեք, որք ճիշտ և ուղիղ հաւատով ունիմք զդաւանութիւնս սրբոց առաքելոցն և զմեծ ի գերիցս երանեալ լուսաւորչին մերոյ

¹ «Յոհաննիսի վարդապետի Երզնկացւոյ, խրատք կանոնական յառաքելոցն և ի հայրապետացն և ի սուրբ լուսաւորչին կանօնացն և կաթողիկոսացն հայոց». ձեռ. № 8356, (1322 թ.), էջ 157ր.:

² Ձեռ. № 2178 (ԺԴ դար), էջ 92ա, 2320 (1201 թ.), էջ 226ա, 2173 (ԺԴ դար), ամբողջ ժողովածուն և այլն:

սրբոյն Գրիգորի և ըստ տրւչութեան նոցա մեզ, ի միում աւուր կատարեմք տօնախմբութիւն աստուածային իրագործութեան ի մեզ և վասն մեր եղելոյ: ...ամբարշտութիւն, ուրեմն, ի բաժանել զաստուածային իրագործութեանցն զխորհուրդ ի միմեանց և յալլ և յայլ յաւուրս կատարել...»¹:

Այսպիսով, Պլուզ Հովհաննես Երզնկացու և՛ գործունեութիւնը և՛ ստեղծագործական կյանքը բացարձակորեն վկայում են, թե նա չէր կարող լինել միարար:

Հակառակ սրան, Ծործորեցի Հովհաննես Երզնկացու անունով մեզ հասած ստեղծագործութիւնները բացահայտորեն վկայում են, որ նրա հեղինակը Ծործորեցին է, այսինքն ապրել է Արտազի Թաղեոս Առաքյալի վանքում, որը կոչվել է և Ծործոր: Իսկ Արտազի այս վանքը եղել է միարարական շարժման կենտրոններից մեկը, որի առաջնորդը՝ Ջաքարիա Լախակոպոս Ծործորեցին միարարութեան ոչ միայն մասնակիցներից, այլև խոշոր գործիչներից էր և որը սշտական հարաբերութիւնների մեջ էր կաթոլիկ եկեղեցու ներկայացուցիչների հետ: Թե՛ նրա և թե՛ վանքի հետ սերտ կապ էր հաստատել Բարդուղիմեոս Բոլոնիացի լատին Լախակոպոսը, որը իր քարոզչութիւնը հիշատակարանում Ջաքարիային անվանում է Վրամանակատար և անդրդուելի դղեակ միարարութեանը²:

Հովհաննես Երզնկացի Ծործորեցու մասին հեռեւոր է գրում միարարութեան ամենահայտնի դեմքերից մեկը, Հովհաննես Քոնեցին.

«Եւ ի մէջ Լախակոպոսաց, որք եկեալ էին առ այն ժողովն (1317 թ. Ատանայում գումարված միարարական ժողովի մասին է խոսքը—Ա. Ս.), ևս նոն Արհեպիսկոպոսն Ջաքարիա, որ էր իշխող եկեղեցւոյն սրբոյն Թաղեոսի առաքելոյն... Եւ ի մէջ նոցին էր և մեծ վարդապետն Յոհան Ծործորեցի, և այլք բազումք ընդ նման»:

Այս Երզնկացին է նաև, որ 1321 թ. թարգմանել է միջնադարյան սխոլաստիկայի նշանավոր դեմք և կաթոլիկ եկեղեցու ամենախոշոր գաղափարախոս Թովմա Աքվինացու աստվածաբանութիւնը («Յաղագս եւթն խորհրդով եկեղեցւոյ»), որտեղ շարադրված են այդ եկեղեցու գաղափարական և դավանաբանական հիմնական սկզբունքները: Թարգմանութեան հիշատակարանում Ծործորեցին իր վերաբերմունքը հանդեպ հոռմեական եկեղեցին ու Թովմա Աքվինացին արտահայտում է այնպիսի ջերմ խոսքերով, որ կասկած չի թողնում դավանաբանական իր հայացքների ու կաթոլիկ եկեղեցու նկատմամբ ունեցած երկյուղածութեան մասին: Նշենք նաև, որ աշխատութիւնը թարգմանել է ուղղակի Պապի հրամանով, Բարդուղիմեոս Բոլոնիացի Ֆրանկ քարոզչի միջնորդութեամբ ու օգնութեամբ և Ջաքարիա Ծործորեցու աջակցութեամբ (տե՛ս թարգմանութեան հիշատակարանը, Ձեռ Ն 560 (1323/1325), էջ 204ա. հմմտ. Լ. Սաչիկյան, «Թ՛ր դարի հայերեն ձեռագրերի հիշատակա-

¹ «Յովհաննու վարդապետի Եկեղեցաց գաւառի յԵրզնկա քաղաքէ, ասացուած յաւուր ծնընդեան և մկրտութեան Քրիստոսի աստուծոյ մերոյ և խորհուրդ միաւորութեան տօնիցն...», ձեռ Ն 2178, էջ 101ա: Տե՛ս նաև ձեռ. Ն.Ն 2329, էջ 278ա, 2173, էջ 68ա, 131բ, 293ա, 407ա և այլն:

² Գ. Հովսեփյան, Խաղրակյանք կամ Գոռչյանք հայոց պատմութեան մեջ, մաթըն Բ., Երուսաղեմ, 1944, էջ 259:

³ Կղեմես վարդապետ Գալանոս, Միարարութիւն հայոց սուրբ եկեղեցւոյն ընդ մեծի սուրբ եկեղեցւոյն հոռմայ աշխարհի, հոռմ, 1690, էջ 517—518:

րաններ», էջ 173): Կասկած չկա, որ այս հիշատակարանի հեղինակը չէր կարող լինել Պլուզ Հովհաննես Երզնկացին, որին Աքվինացու գրքի թարգմանությունը վերագրվել է դարձյալ թյուրիմացությամբ՝ կապված երկու մատենագիրների համանունության հետ:

Այսպիսով, երկու Հովհաննես Երզնկացիներից առաջինը միարարության դեմ տարվող պայքարի պարագլուխներից մեկն է՝ Պլուզը, իսկ երկրորդը՝ միարար և լատին քարոզիչների գործակիցը՝ Օործորեցին:

Այժմ անդրադառնանք այդ երկու Հովհաննես Երզնկացիների կյանքի ու գործունեության ժամանակի հետ առնչվող հարցերին:

Հովհաննես Երզնկացի Պլուզը, որպես ճանաչված մատենագիր և գիտնական-վարդապետ, ասպարեզ է իջել 1270-ական թվականներին: Դեռևս 1272 թ. նա հրավիրվել և հատուկ քարոզ է կարդացել Ներսես Պարթևի նշխարների հայտնության առթիվ¹: Քիչ անց՝ 1280 թ. նա գրում է Երզնկայում ստեղծված քաղաքային ու աշխատավորական շերտերի կազմակերպության — «եղբայրություն»² «Սահմանքը և կանոնքը»³, որը կարող էր անել միմիայն մեծ հեղինակություն ունեցող ու ճանաչված անձնավորություն: Այնուհետև՝ 1281—1284 թթ. Երզնկացին լինում է Երուսաղեմում, ապա Կիլիկիայում, որտեղ բազմաթիվ փիլիսոփայական, աստվածաբանական ճառեր ու քարոզներ է կարդում թե՛ աշխարհիկ և թե՛ հոգևոր տոնակատարությունների առթիվ⁴: Այստեղ նա սերտ կապի ու փոխհարաբերության մեջ է լինում արքունիքի և բարձրագույն հոգևորականության հետ: Նույն թվականներին Հակոբ Կլայցցի կաթողիկոսի խնդրանքով քերականություն է ավանդում նրա աշակերտներին և հետագայում գրում ոչ միայն գիտական, այլև բանասիրական խոշոր արժեք ունեցող մի աշխատություն, որը մնում է քերականական գիտելիքների ուսուցման հիմնական ձեռնարկ նաև հետագա դարերում:

1284 թ. Երզնկացին լինում է Տփլիսում և տեղի Կաթողիկե եկեղեցում տիեզերագիտական մեծ քարոզ է կարդում: Հետագայում, Ումեկ իշխանի կրթությանը որդի վախտանգի և Տեր-Հոհան Եպիսկոպոսի խնդիրքով, այդ քարոզը գրի է առնում, ապա նաև չափածոյի վերածում⁵:

Այսպիսով, 13-րդ դարի 70—80-ական թվականներին նա արդեն ամբողջ Հայաստանում և Կիլիկիայում ճանաչված ու հեղինակավոր գիտնական վարդապետ էր, որ նույնիսկ կանոնական ու խրատական շրջաբերական հրահանգներ էր գրում և իր անունից ուղարկում հայ եկեղեցու տարրեր թեմերը: Ամենայն հավանականությամբ, հետագայում Եսայի Նչեցին էլ օգտվել է հենց այս կանոններից ևս՝ իր կողմից ուղարկված շրջաբերականները պատրաստելիս:

1292 թ. նրան նորից գտնում ենք իր հայրենիքում՝ Երզնկայի ս. Մինասի անապատում⁶:

1293 թ. հետո մեր ձեռագրերում Հովհաննես Երզնկացի Պլուզի մասին

¹ Ձեռ. № 3069 (ԺԷ գ.), էջ 49ա:

² Լ. Խաչիկյան, 1280 թվականին Երզնկայում կազմակերպված եղբայրությունը, «Տեղեկագիր» ՀՍՄԻ ԳԱ 1951, № 12, էջ 73:

³ Ձեռ. № 2173, էջ 257ա.:

⁴ Ձեռ. № 2173, էջ 1ա, 86ա, 101ա և այլն:

⁵ «Յաղագս երկնային շարժմանն...», Ն. Նախիջևան, 1792, «Յաղագս երկնային շարժումը...», Ն. Նախիջևան, 1792.

⁶ Ձեռ. № 2325, էջ 194բ.

այլևս որևէ հիշատակութեան չենք հանդիպում: Միայն իր իսկ՝ Երզնկացու գործերից տարբեր առիթներով իմանում ենք, որ 1281—1284 թթ. արդեն «տկարացեալ» է մարմնով և չի կարողանում իրականացնել «զգործ մշակութեան տեսն, որպէս արժան էր»:

Կա նաև 1293 թ. մի հիշատակարան, որ գրել է Մովսես Երզնկացու աշակերտներից մեկը: Այստեղ նա ակնարկում է մի նշանավոր ուսուցիչի՝ Հովհաննի մահվան մասին¹:

Արդյո՞ք այս Հովհաննը Հովհաննէս Երզնկացի Պլուզը չէ, որ իրոք ամենախմաստուն ուսուցիչի հոշակ ունեւր: Ալիշանը չկարողանալով հաղթահարել երկու Հովհաննես Երզնկացիների շուրջը ստեղծված դարավոր թշուրիմացութիւնը, այդ հարցը թողել է անպատասխան և շարունակել նույնացնել Հովհաննես Պլուզին ու Ծործորեցուն:

Հենվելով վերոհիշյալ փաստերի վրա, կարելի է Հովհաննես Երզնկացի Պլուզի մահվան թվականն ընդունել 1293-ը: Նա թաղվել է, ինչպես հայտնում են մի շարք հավաստի աղբյուրներ², իր հայրենի երկրի՝ Երզնկայի ս. Նշան եկեղեցում:

Բոլորովին այլ է Ծործորեցի Հովհաննես Երզնկացու կյանքն ու գործունեությունը: Նրա մասին մեզ հայտնի առաջին տվյալը վերաբերում է 1302 թվականին: Այս ժամանակ նա գտնվում էր Գլաձորում, որտեղ և, ըստ երկվյթին, աշակերտել է Եսայի Նչեցուն և նրա պատվերով ձեռագրեր ընդօրինակել³:

Նրա անունով մեզ հայտնի մատենագրական գործերը շարադրված են 1314 թ. հետո միայն: Հավանաբար այդ թվականից սկսած նա տեղափոխվել է Արտազ, Ծործորի վանքը, որտեղ և գրել է իր աշխատությունները: Հետագայում, գուցե և 1320—21 թթ., դավաճանելով հայ եկեղեցուն, նա Հովհան և Հակոբ Դոնեցիների նման, անցել է միաբանողների բանակը:

Ծործորեցուց մեզ հայտնի են հետևյալ աշխատությունները. ա) «Յոհանիսի Եզնկայեցո, որ Ծործորեցո տիգերալոյս վարդապետի ասացեալ» (աստվածաբանություն, ձեռ. № 627, 1314 թ., էջ 25ա), բ) «Լրուին թերոյն համառոտ տեսութեամբ սրբոյ աւետարանին, որ ըստ Մատթէի, հաւաքեալ նուստ վարդապետի Յոհանիսի Եզնկացոյ, որ և Ծործորեցի կոչեցեալ» (ձեռ. № 2687, 1476 թ., էջ 50ա, շարադրված 1316 թ.), գ) «... նուստ Յոհանիսի Եզնկայեցոյ, որ և Ծործորեցի կոչեցելոյ... (Դանիելի մեկնություն, ձեռ. № 1187, ԺԴԺԵ դար, էջ 308ա, շարադրված 1318 թ.), դ) «Նուստ վարդապետի Յոհանիսի Եզնկայեցոյ, որ և Ծործորեցի, արարեալ համառոտ տեսութիւն քերականի» (ձեռ. № 2326, ԺԴ. դար, էջ 14ա), ե) «Թարգմանություն թովմա Աքվինացու «Յաղագս եւթն խորհրդոյ եկեղեցւոյ», «... նուստ ոգիս և յոյժ կարօտս բանի Յոհաննէս Եզնկացի և այժմ կոչիմ Ծործորեցի...» (ձեռ. № 560, էջ 204ա, թարգմանված 1321 թ.):

Ծործորեցի մականվանը հանդիպում ենք միմիայն այս արձակ գործերում: Պլուզի անունով մեզ հասած 60-ից ավելի աշխատության մեջ (խրատ, կանոն, սահմանք, քարոզ, մեկնություն և այլն) ոչ մի տեղ Ծործորեցի չի

¹ Ձեռ. № 8356, էջ 158ա, 4950 (ԺԶ դար), էջ 1ա, 2329, էջ 26բ:

² Ղ. Ալիշան, Հայապատում, 1901, էջ 508:

³ Ձեռ. № 3119, էջ 201բ, Գ. Սրվանձոտյան, Թորոս աղբար, Բ, էջ 50, Է. Կարնեցի, Տեղեկագիր վերին հայոց, Վաղարշապատ, 1903, էջ 12 և այլն:

⁴ Լ. Խաչիկյան, Հիշատակարաններ, էջ 6, 18, 44, 111 և այլն:

հիշվում, որից հետևում է, թե միայն վերոհիշյալներն են Մործորեցուն պատկանում:

Այս համոզումն ավելի ևս հաստատվում է այն փաստով, որ նշված գործերի հեղինակը, հավանաբար նկատի ունենալով մյուսի մեծ հոչակն ու ճանաչվածությունը, իր բոլոր աշխատություններում հենց ինքն է նշում՝ «որ և Մործորեցի», կարծես ընթերցողին ամեն անգամ դուրսացնելու համար, որ չչփոթեն իրեն մյուս Հովհաննես Երզնկացու՝ Պլուզի հետ, մանավանդ, որ վերջինիս բոլոր ստեղծագործություններն արդեն հայտնի էին ամենաուշը 1284 թվականից սկսած: Այդ նա չի մոռանում նշել նույնիսկ այն դեպքերում, երբ հանդես է գալիս որպես գրիչ:

«...գնուաստ գծող սորին գՅոհաննէս սպասաւոր բանի Եզնկայեցի, որ և Մործորեցի»¹, կամ «նւ վերօացեալս ի բիւրոց գործոց գտարտամ գրիչս գՅոհաննէս, ծանօթ բանի և տեղեաւ Եզնկացի, իսկ այժմ Մործորեցի»:

Արձակից բացի երկու մատենագիրների շփոթությունը արտահայտվել է նաև չափածոյում. Պլուզի տաղերից չորսը, բազմաթիվ ձևազրկերից միայն վեցում, վերագրվել են Մործորեցուն: Դրանցից մեկը, որ ընդօրինակված է 1376 թ. № 8029 ձևազրի 226ր էջում՝ «Յամենայն մեղաց ի գատ, ասէ, դու կացիր» սկզբնավորութամբ, վերնագրված է. «Յոհաննէս վարդապետի Եզնկացու, որ Պլուզ կոչի»: 17-րդ դարի գրչություն ունեցող մի ձևազրում² այն գտնում ենք վերագրված Մործորեցուն: Իհարկե գործին անտեղյակ գրիչներից մեկը, երկու Հովհաննեսներին շփոթելով, այն վերագրել է իրեն՝ հայտնի Հովհաննես Երզնկացուն, որպես «ճշտում» ավելացնելով նրա Մործորեցի մականունը:

Այսպես են վարվել նաև այլ գրիչներ Պլուզի մյուս բանաստեղծություններից երեքի հետ ևս, որոնք նույնպես հետագա՝ հիմնականում 17-րդ դարի ընդօրինակություն են³:

Եվ այսպես, հալ բանասիրության մեջ ստեղծվել է մի թյուրիմացություն, որի հետևանքն է նաև Հովհաննես Երզնկացի Պլուզին Եսայի Նչեցուն աշակերտ համարելը: Այդպիսի մի Եզրակացության հանգելու համար մեծ դժվարության առաջ է կանգնել Ղ. Ալիշանը: Չկարողանալով հեշտությամբ հաշտվել այն մտքի հետ, թե Պլուզի հոչակն ունեցող մի մեծ գիտնական վարդապետ կարող է եղած լինել Գլաձորում և աշակերտել Նչեցուն, նա ամեն փորձ անում է՝ մի կերպ բացատրելու այդ անհամոզիչ երևույթը:

Երզնկացին, ասում է նա, «որ զի և տիօք ոչ կրսեր քան զԵսայի երևի գոլ և վաղու իսկ յայտնեալ բանասիրութեամբ զիւր լոյժ մեծ ուսումնասիրութիւնն յայտնէ կրկին աշակերտութեամբն (գէթ լսողութեամբ), և կամ զարդարն մեծ արժանաւորութիւնն Եսայեալ, զոր ոչ կարեմք հաւաստել ի գրուածոցն առ մեզ հասելոց»:

¹ Ձեռ. № 206 (1318 թ.), էջ 588ա:

² Ձեռ. № 2189 (1394 թ.), էջ 440ա:

³ Ձեռ. № 5306 (ԺԷ դար), էջ 56ա:

⁴ «Յամենայն ժամ օրհնեմք», ձեռ. № 474 (1474 թ.), էջ 32բ, «Այրն արարած ըզբեղ ասէ», ձեռ. № 2079 (1553 թ.), էջ 283ա. և «Յիմաստութիւն կենաց վերին», ձեռ. №№ 2307, էջ 196ա, 2407, էջ 196ա. և 3514, էջ 130ա, բոլորն էլ 17-րդ դարու:

⁵ Ղ. Ալիշան, Սիսական, Վենետիկ, 1893, էջ 131, հմմտ. Հայապատում, հատ. Ա, Վենետիկ, 1901, էջ 303:

Այս թլուրիմացութիւնը լուծվում է նաև իրենց՝ մատենագիրների կողմից, որոնք տարրեր առիթներով հիշատակում են իրենց ուսուցիչ-վարդապետներին:

Պլուզ Երզնկացու գործերից իմանում ենք, որ աշակերտել է Եսայի Նչեցուց շատ ավելի վաղ ապրած նշանավոր մատենագիր, պատմիչ և կրօնական-քաղաքական մեծ գործիչ Վարդան վարդապետ Արևելցուն¹ (վախճանված 1269 թ.): Մինչդեռ Վարդանին նա որակել է որպես «ընտրեալ վարժապետ», «սուրբ հայր», «վարդապետացն առաջնորդ» և իր հոգևոր հայրը, Նչեցու մասին իր երկերում ոչինչ չի հիշել: Այդ մասին ոչինչ չեն ակնարկում նաև ժամանակակիցները:

Կարևոր է նկատել նաև, որ Եսայի Նչեցին վարդապետ է դարձել 1284 թ. հետո միայն (Գլաձորի համալսարանում), երբ Պլուզն արդեն մեծ հռչակ ունեցող վարդապետ էր, բանասեր-գիտնական, մանկավարժ-ուսուցիչ, քարոզիչ, աստվածաբան ու հասարակական գործիչ:

Նչեցուն որպես ուսուցիչ հիշատակում է Ծործորեցի Հովհաննես Երզնկացին, որը եղել է Գլաձորում 1302, 1303, 1306, 1309 թթ. և նրա պատվերով ձեռագրեր է ընդօրինակել: Այդ մասին նա գրում է.

«Չաստուածեղեն գանձիս ստացողն, զերջանիկ վարդապետն Եսայիաս լիշեսչիք ի Քրիստոս, ընդմին և զնուաստ գծող սորին՝ զՅոհաննէս սպասաւոր բանի Եզնկայեցի, որ և Ծործորեցի»²:

Այսպիսով լուծված պետք է համարել նաև Պլուզ Հովհաննես Երզնկացուն գրիչ համարելու հարցը ևս: Պարզ է ու որոշակի, որ Նչեցու ավագ ժամանակակիցը լինելով, որ 1272 թ. արդեն վարդապետ էր, Պլուզը չէր կարող իրենից 12 տարի հետո միայն վարդապետ դարձած Եսայի Նչեցու պատվերով ձեռագրեր ընդօրինակել, այն էլ 1318 թ. կամ աշակերտել նրան: Անտարակույս մեր ձեռագրերի հիշատակարաններում հանդես եկող գրիչ Հով. Երզնկացին Ծործորեցին է, մանավանդ որ այդ գրչութիւնները կատարված են 14-րդ դարի առաջին քառորդում, երբ Պլուզ Երզնկացին արդեն վախճանված էր: Պլուզ մականվանը, որպես գրչի, ոչ մի ձեռագրում չենք հանդիպում:

Չափազանց կարևոր է հիշատակել նաև այն փաստը, որ ժամանակով նրանց մոտ կանգնած մատենագիրներն ու գրիչները քոջ տեղյակ են եղել Պլուզի և Ծործորեցու տարբերությանը և նշել են այդ: Այսպես, օրինակ, շատ արժեքավոր փաստաթուղթ է Երզնկացիներից մոտ մեկ դար հետո ապրած Առաքել Սլունեցու վկայութիւնը, պահպանված իր քերականության մեջ: Թվելով, թե ովքեր են թարգմանել ու մեկնել քերականութիւնը, նա գրում է.

«...զի Դաւիթ փիլիսոփայն թարգմանեաց և մեկնեաց զսա, իսկ լետ նորայ Գրիգոր Մագիստրոս այլ ընդարձակ մեկնեաց զԴաւթի մեկնեալն, իսկ լետոյ Յոհաննէս վարդապետն մականուն Պլուզ համառուտեաց զնոյն, վասն

¹ «Յաղագս երկնային շարժմանն», Նոր Նախիջևան, 1792, էջ Թ. «...Սրատ հասարակաց քրիստոնէից...», ձեռ. № 2329, էջ 226ա. «Մեծ աւուր հինգշաբթի և թէ կամիս գատկին, յասացուածոց սուրբ հօրն մերոյ Վարդանա վարդապետին...», ձեռ. № 2173, էջ 404ա.:

² Լ. Խաչիկյան, Հիշատակարաններ, էջ 6, 18, 44, 61:

³ Ձեռ. № 206 էջ 588 ա.:

դիւրաւուր լինելոյ: Եւ յետ նորա Եսայի վարդապետն Գալլիձորոյ այլ համա-
ռաւտեաց զնոյն, որ այժմս կայ ի միջի. սոյնպէս և Ծորժորեցին է համա-
ռաւտեալ¹:

Այստեղից որոշակի երևում է, որ Սյունեցին տարբերում է երկու Եր-
զնկացիներին, մեկին անվանելով Պլուզ, մյուսին՝ Ծորժորեցի: Երզնկացիե-
րին ժամանակով շատ մոտ ապրած և քերականության մասնագետ մի մարդ
չէր կարող շփոթել նրանց, եթե իրոք երկուսի հեղինակն էլ նույն Հովհաննես
Երզնկացին լիներ, կամ եթե Պլուզ և Ծորժորեցի մականունները միևնույն
անձնավորությանը վերաբերեին:

Այս ամենից հետևում է, որ Պլուզ և Ծորժորեցի Հովհաննես Երզնկա-
ցիները երկու տարբեր մատենագիրներ են:

¹ Ձեռ. № 55 (1489 թ.), էջ 409բ.: